



雙溪醉隱集卷三

元 耶律鑄 撰



五言律詩

寄趙虎巖呂龍山

年來緣底事不復出柴關兀兀千杯酒蕭蕭兩鬢斑一作
暮色千峯遠月明河漢淡天澗水雲閒目斷故人遠去
鴻猶未還

寄高仲傑

雙溪集卷三
一枕功名夢半年風雨牀地高秋易老人去夜偏長悲
賦傷鸚鵡哀琴怨鳳凰晚風吹落日明月滿寒塘

寄人

空翠撲晴影輕黃着柳枝春風戀遊子渾似縱遊時除
醉更無事憶君方有詩如何一片月兩地照相思

送元遺山行

燕北秋風起幽花滿地開既邀今日別合道幾時來白
玉煙沈閣黃金草暗臺不須傷老大珍重掌中杯

送李敬齋行

一代文章老素車歸故山露濃山月淨荷老野塘寒茅
屋已知足布衣甘分閑世人學不得須信古今難

送完顏奏差行

君侯詣闕日款曲為慈親故國少知己舊山多逸民林
園隨分雨天地自然春四海滿桃李惜花無一人

送正夫行

歲窮風景惡萍梗客天涯咫尺辭蘭省優游出鳳墀霜

寒笳韻切天遠鴈聲遲瘦馬長途晚凝雲雪欲垂

春日懷趙超然

萬里故鄉夢五更殘月鐘去鴻書斷絕歸燕語朦朧流
水艷春態好山呈曉容是誰將怨笛吹斷綠揚風

寄郭隱君輔之

寄傲人間世潛真計未疎鳥行恬豹隱鷺食澹鶉居座
列清談客門屯好事車不應馳素謁堅待偃波書

秋夜對月贈唐臣

寒水搖空碧西風滿一琴孤光萬家月一寸百年心白
鴈驚殘葉青霜急亂碁故山休掛夢無地可投簪

永嘉周道人求詩一首

氣昇期汗漫世法一黔婁啟鑰因師旨咀芝從祖求肆
言諧律呂不夢本精修玉室金堂迺飄飄竹杖遊

客中寄懷李先生九山居士

相憶復相憶登臨百感生河山分野色風雨混松聲白
鴈書秋思蒼苔篆古情如何千萬^里獨自計歸程

晚集瑤華殿

月浸瑤華殿雲垂素女幃水精簾半捲火玉燭交輝紫
氣遊清宴休光下太微不知留帝所疑執化人衣火玉上尖
下圓光照
數十步

春日即事

遲日照青春遊風蕩紫宸雪霜無氣力一作藉在桃李有
精神幽思平欺酒閒愁自避人忘機殊不惡魚鳥看來
馴

泛太液池同虎巖龍山賦

爛縱飛龍馭凝神入醉鄉煙霞生縹緲絲竹裊微茫蒲
劍割秋水荷盤傾夕陽莫輕年少日青鬢易驚霜飛龍道陵
所製泛太液之舟也又名翔龍

伯哩行

勝氣橫千里歡聲洽萬夫虎牙為後拒犀首是先驅金
練鴉兒隊銀槍鴈子都率然乘伯哩一戰下崑崙伯哩山名
也遜多伯哩者即此遜多亦是山名皆在和林西南崑
金山又在其南丁丑冬弄邊者軍敗之地也唐高仁愿節

度西川數敗巢軍賊號蜀兵為
鴉兒每戰輒戒曰毋與鴉兒鬪

老將

結髮究一作事韜畧驅馳一作從戎四十年長征秦五嶺苦戰

漢三邊萬死奮不顧一生今幸全雲臺無住處何日上

凌烟魏徵曰秦事五嶺漢事三邊云云

平南將

江淮平圯裂原不事梯衝銳氣吞堅陣威聲挫戰鋒高
昂地上虎王濬水中龍詎可同年語論功與定封北齊高昂

字敖曹率兵渡河奈河伯曰河伯水中之神高敖曹地上之虎行經所居故相沃酌

南征奏捷

宸算將雄斷天然自美談一征平漠北再舉下江南須
不聞漂杵何曾見溺駢元和歌聖德恐未免懷慙一作展詩

陳薦信頌德為無慚

西征

白首征西將封侯儘未貪遠離窮髮壯北深入不毛南笈
解重圍困威延轉戰酣若須求虎子虎穴是當探

聞北耗詔發大軍進討

護軍承詔日驃騎佐輕車授豹韜攘惡教龍鈴辟邪除
狼還得虎養虺竟成蛇致使雲臺將如雲過涿邪音耶

經扼狐嶺得勝口會河戰場

烏兎縱飛走急於寒女梭扼狐名好在得勝事何如暮
雨連芳草秋風捲素波戰塵如可洗當與侍中過

居庸關

秀拔延天險寒盤萬古根東西躔日月南北限乾坤影

落海山冷氣搖星斗昏如何戰塵下荆棘暗重門

仙居亭

意匠驚難狀天然醉隱圖兩行風外柳柳一冊枕邊書雲
錦薰沈水鶯簧脫串珠煙光將勝概特佇在仙居

題虛白齋

可待留靈瑣方期得駐顏久靈生白室長啟扣玄關元放
浪形骸外逍遙天地間要當知霧豹依舊在南山

書後堂壁

丁未八月二日
自西宮回和林

放浪形骸外寄鄉杯酒中催歸有情鳥促織可憐蟲落
日隔疎雨斷雲垂渴虹弋人何所慕霄漢點冥鴻

迎風館

滌暑迎風館雄風襲玉扉雲開天乙網霞捲羽人衣倒
景搖清影飛煙擁翠微泛蘭將轉蕙須更入羅帷

司春園

地偏饒勝事花事迴標奇春自長須在人誰盡得知笑
宜教捧腹醉不解攢眉未那司春子騰譏釋二疑

雪香亭月下偶得名酒徑醉為賦

瓊露融雲液金泉湧月波帶花浮綠蟻和月捲紅螺夜

色依香雪春雲動綺羅是須轟玉笛倚弄玉龍歌予嘗

碎擘桃花泛酒卮時亦取花泛酒
酌遺花者依花片數浮以大白

擬西崑體後閣

夜枕雨聲細曉牕花氣濃玉臺掛秋月繡幕生春風藻
井翠盤鳳畫欄金走龍上名是何物只合付兒童

讀新樂府集

攬盡江山秀珠璣咳唾新艷浮天上錦情動月中人花
鳥音容冶風雲氣象頻郢歌將白雪顛顛對陽春

秋閨

供給深閨怨秋聲又擣衣鴛鴦不獨宿燕子自雙飛塵
暗芙蓉帳風寒翡翠幃馳心囑明月將此照金微

春曉月下觀白牡丹

小立猶癡睡凝情出翠籠玉盤承曉露金鏡掛春風豈
為素娥妬不呈青帝功萬花推第一誰更忌專宮

詠雪二首

樓曉倚欄干天低欲壓闌削冰封岳色飛席下雲端風
陣連寒夜星銜搖夜寒嶺梅應見怨何憚一來看
日淡隔雲幕地虛鋪雪氈捲簾看不見如畫舊山川豈
憶三杯酒能迴六月天一聲何處笛吹裂野梅邊

圓福院竹

虛心雖涉世貞節自孤堅翠梢掛明月錦綉披紫煙豈
無儀鳳日別有化龍年玉質捐雲裏唯須著列仙

答座客

千紅將萬紫剪染盡冰蕤莫曉誰施巧惟春自出奇向
陽花易發伴老病難治若得如人意除天是國醫

調人幽居

瑟瑟苔封逕萋萋草暗堦蓮舟浮太乙玉笛噴洪崖巾
漉糊塗酒爐煨榾柮柴莫將千古計取次却沉埋

賀人飛泉幽居

萬斛驚珠冷銀河落翠微自歌還自舞誰是復誰非高

鳥知何處浮雲去未歸好風將落葉着意戀柴扉

旅興

白眼看時事剛腸厭俗流也知蜂有毒未信鼠堪投熟
睡消磨日清吟撥置愁倚門應望切早晚賦刀頭

倦夜時方南征

展轉延清漏開簾納月光西風戀殘葉終夕伴啼螿靜
柝沈蠻徼疎鐘撼客牀六龍應振轡飛日上扶桑

無何狂醉隱三首

無何狂醉隱慢訑更癡蒙雖涉人間世殊參塞上翁只
須推倚伏不必論窮通且把無邊事橫陳在酒中
無何狂醉隱直拙更疎慵花鳥閒情外江山醉眼中涉
江搴薜荔綠木采芙蓉待把人間事從頭問化工
無何狂醉隱酣適是生涯馴護能言鳥調籠解語花不
應拋蝶夢須與趁蜂衙誰佐杯中酒仙人萼綠華

窮廬篇

巢燕年年客山河日日新
窓分一鏡曉一作碧門掩滿庭

春棲鳥羈籠影行蝸游壁塵故園雖好在樓觀幾荆榛

寓居靈州壯村

野色荒煙暗氛霾晝影昏
客情紛若絮塵事亂如雲
揚柳春風渡北有黃河渡梨花暮雨春村落梨花特盛
不如歸去鳥着意喚誰聞

雙溪月下戲贈觸熱衝暴雨者

復入清虛府輕河漾月舟
水天通色淨水月雜波流
雨橫蟻兵潰日熯山市收
若然閒意况原不到心頭

戊申已西北中大風

衝風迴白日飛礫灑青天富貴城西畔珍珠河北邊
 陽水原不治陰火更潛然直徹龍荒外蕭條是野煙
和北斜連柯河有古城唐賈耽地志所謂仙娥河富貴城者
是也是也仙娥河今穀轉為錫蘭河烏孫所治赤山城西北
三十里有珍珠河

過東山縣有懷

憶昨驚塵下腸迴望眼穿計程雖信宿恨別似經年自
 致青雲上誰來白日邊萬金遊子信空與夢牽纏

再如蒲圻二首

雲暝雨將雪天低風正寒簡書端可畏行李不遑安要
 路飛騰好窮途進取難折腰徒自苦吾亦悔儒冠
 北走尊塘路從公敢憚行淒涼當短日寂寞過荒城薄
 祿非吾願塵緣窘此生邱園如可樂何必問功名

追悼大人領省

稅駕知何處仙遊閱古今英靈千載氣松柏一生心白
 日空寒色蒼天更暮陰志終伸不得遺恨海長深

五言排律

春色浮山外

春色無高下寧分澤與丘
世間依舊好山外若為浮
桃李爭拆池塘草自抽
綠涵峯勢合紅帶燒痕
收遲日千鐘酒東風百尺
樓夜來甘雨足溪谷已成
流

七言律詩

立春二首

東帝施恩似恤貧
嚴凝時節喚回春
未知和氣先歸柳

便覺寒威不著人
上苑三冬梅正發
和林五月草初新
世間公道唯春色
春色年來也不均

節物驚心苦見催
一年還見兩春來
臘寒自向人間盡
春色却從天上迴
乍愛柳條先易綠
向陽花樹不難開
高歌買斷西城酒
更對東風盡此杯

春日寓懷

燕語鶯啼怯晚陰
蝶狂蜂亂更關心
冥鴻空自運寒暑
駭浪為誰淘古今
每縱思吟輕萬戶
但信眉笑抵千金

閉門不出近十日忽到水邊春已深

三月和林道中未見草萌

不覺清明夢裏驚問人人道過清明須知上苑花飛樹
誰信和林草未萌一作生綠水歸鴻空自感淡烟啼鳥若
為情翩翩瘦馬荒山路衰草斜陽正獨行

西園春興因贈雪庭上人兼簡張公講師

萬丈虹霓絡紫烟笙歌清拂雨餘天滿庭芳草翠如積
一洞碧桃明欲然流水引來梅塢底春風吹到酒壺邊

散花喚起毗耶夢從此無心號謫仙

清明

寒日清明失舊期躊躇搔首日沉西風生楊柳鴉先覺
寒逼梧桐鳳不棲山色雪迷春意老鴈聲雲過暮天低
蘇門二月春光好好逐東風發馬蹄

重和惜春詩韻余時經始西園

惜春情味舊情緣依舊中情似去年怪得玉音殊鄭重
想將花事易唐捐白蓮已結為詩社翠水唯浮載酒船

誰謂惜花人老大買花輸得買山錢

謹用尊大人領省十六夜月詩韻

黃雞白酒管絃和一任浮生歲月磨銀管題詩悲遠客
玉簫吹恨憶秦娥人言皓魄今宵減我見清光依舊多
一十二時爭幾許人間奈此世情何

中秋對月

銀燭煌煌十二衢冷金波浸酒仙居由來物外通明殿
只是人間不夜珠玉女媧扉唯白曉素娥庭院更清虛

桂花香陌無塵景空入壺翁碧玉壺

冬日即事

征鴻南度老年華漸覺冬來眼界多寒雪狂風顛林木
凍雲殘照鎖閑河高低山勢黃沙磧遠近人家白草坡
極目碧天人萬里醉邀明月一高歌

蠟炬五萬酬鞭直泝統百金且食封蕭散不萌爭鬧趣
真醇繆覲養生慵滌清研裏慙凡筆磨徹鑑中嘯窘容
傷到玄冥僭春令狐裘羔酒貯嚴冬

日南至

獵獵嚴風正酷寒一陽潛動舊關山人情徒怨融和晚
天意何增造化慳暗逐寒威歸漢外漸回春色到人間
明年桃李知多少莫把道一作東風作是一作等閒

謹用尊大人領省龍庭風雪詩韻

登高何處是燕然極目關山塞草連落日幾峯寒帶雪
西風一鴈冷橫天冬居水谷賴醕酒夜宿沙堤借草氊
為向中州豪傑道天涯如此過年年

凍折瑤琴三兩絃起來孤坐憶成連可堪此世成何事
了却生平莫問天門外共傳三尺雪帳中賴有四圍氊
遙思千古功名輩回首西風不記年

九月道中遇雪

密密癡雲曉自凝飄零蹤跡斷蓬輕幽禽底事啼長咽
流水何緣浪不平清夢未迴人換世黃花應怨我寒盟
故園回首腸堪斷雪滿荒山瘦馬行

途中值雪

不禁風色避穹廬寂寞行人止半途日暮閑雲點淡
晚來天地雪模糊千山未霽寒尤重一鳥不飛人更孤
旋撥寒爐一罇酒故人知我此情無

欲雪

癡雲洩洩復溶溶底事龍公睡起慵薄暮遙看巖岫失
夜闌空把斗牛封徘徊天外心無定繚亂江頭色正濃
寄與西風莫吹散梅花憔悴憶相逢

雙溪書院對雪

宴處雲華不夜庭為餐瓊藥更談經聽隨瑞葉風來處
看散天花酒半醒白鳳羽毛寒蕩漾玉龍鱗甲戰凋零
儻非太素司光化誰壓驚塵與效靈

是歲北
征獻捷

送賈彥從

淡烟衰草兩無情寒瀉金波送子行可奈驅馳來瀚海
不堪牢落過清明半簾皓月人千里滿目春風鴈一羣
瘦馬鞭催低塞日數峯江上雨初晴

送馮贇

北去南來牽利名紅塵鞍馬老生平天涯海角長為客
薄酒新詩復送行秋早地高山改色夜深風緊鴈饒聲
起來細把歸期數今日一作夜淒涼第一程

送安善甫

龍庭二月送君歸底事人生足別離幽鳥一聲春寂
東風千里馬遲遲煙迷故壘襟分處月淡山城夢破時
此去萱堂休忘却堅持忠孝是男兒

送魏隱君

十年相憶不相逢一日相逢意氣同落了無寒士態
堂上渾有古人風雨寒秋泣黃花淡霜重山涵碧樹紅
歲晚可憐猶是客素琴孤劍幾西東

送誠之行

惆悵分襟北海西悠然不覺淚連瀉自憐遠地無朋友
忍與君侯遽別離萬里風沙秋半後一籠燈火夜深時
相期老柏三千丈不改凌霜傲雪姿

送子周行

衰草淒々塞日斜春風得意出龍沙南飛鴻鴈三秋雪
東望關河萬里家杯酌岐邊浮竹葉角吹隴上弄梅花
征鞍迢遞中州道淡々長空點暮鴉

送子華行

鴈行飛盡暮雲收送子岐邊酒一甌遠樹深埋黑山雪
晚風寒索紫貂裘悠揚鼓角千巖月慘淡關河萬里秋
寂寞歸來回首處幾聲山鳥語啾々

送孟端卿

萬里歸來兩鬢霜百閒事也難量跳丸歲月無留計畫
餅功名不可嘗鴻斷碧雲空落日塵飛滄海已生
桑鶯花未老春猶在更對青山共一觴

送寧朔

說從薛燭授吹毛從事孫吳與六韜應策騰空調赤電
驚絃裂石試烏號鼎魚暮燕由西極假氣遊魂在北郊
擊情擣虛原有策必須先直取窠巢

由烏孫故地而東款和林壯境

漢武名烏孫馬為西極馬時弄兵者

送李稚川

雲來雲去原因雨
花落花開總是風
白酒儘堪驕富貴
青山只合傲王公
從甘雞肋功名後
已墮羊腸世路中
為語屏山癡子弟
虎狼叢裏逞英雄

其二

一樽濁酒與君同
握手相隨出帝宮
牧笛喚回千里夢
秋空點破一飛鴻
參橫斗轉閨河月
山寂猿啼草木風
酌別淡煙衰草路
飄零蹤跡又西東

送人

是々非々儘自宜
掀然一笑且信眉
休辭沈醉過終日
縱得再歸來幾時
極浦遙山遺別夢
碧雲流水寄相思
傷心去國頭如雪
顛賴春風對柳枝

送韓浩然

開懷樽俎笑談傾
未暇論文君已行
富貴途亨渠易致
詩篇韻險我難賡
已成傾蓋金蘭友
安用霑襟兒女情
准擬秋深迓歸騎
一樽濁酒遠相迎

送子文還家

道直如弦氣吐虹儘輸心計靜顏風倦
漸待詔留金馬
遠乞還山命玉驄
天幕幾曾巢客燕
雲羅終不掛冥鴻
多君高謝人間了
不似癡仙醉夢中

用西岡老人留別詩韻以贐其行二首

健羨男兒得志秋
錦衣歸去躍驂騑
斷腸南陌人何在
迴首夕陽水自流
故里得歸真樂土
浮生無地不天遊
疲民正賴君侯手
莫把功名讓黑頭

昔年冷坐渭河濱
獨釣寒波絕路塵
流水高山千古事
淡雲微月一閒身
祇知門巷無他客
唯有琴書是故人
今日聖朝方大用
江山應助老精神

和子文留別詩韻以贐其行

天涯牢落故人稀
與子論文真所依
萬里有行君有志
雙親無恙我無違
愁如流水何時盡
身似楊花到處飛
明日不堪離別處
高吟新句贈玄暉

西行留別諸人

綠楊飛絮草鋪茵到處春光隨意新
幾個道傍留別客
萬重山外遠行人
淒涼幽鳥喚殘月
狼籍野花傷暮春
酒薄無由求一醉
更堪歸鴈過來頻

留別諸友

環池亭上醉飛觴
春暖波閒怕夕陽
高掛無絃雲滿地
一噴橫笛水平塘
檻依蘭影香猶濕
簾隔泉聲意自涼
後會不知何處是
對林休避細商量

讀甲子改元詔因叙懷留別諸相

憶昔東征去國門
黯然而別更消魂
若圖白首妻孥計
是負皇家父子恩
中統始開新甲子
至元重整舊乾坤
九州四海昇平望
要竭丹誠翊至尊

早行

窓外寒雞唱五更
一作曉 翩翩征旆掛疎星
百年身世情如夢
半紙功名醉不醒
一作斲知名是誰家物
不記人曾醉得醒 欲吐半吞
殘月淡似連還斷
遠山青莫教草生華髮
消得幾回

長短亭

發涼陁偏領南過橫山回寄淑仁

浮游汗漫和南陔

淑仁母在燕南故有南陔之語

直指涼陁是九垓

與吾

汗漫游於九垓之上見淮南子

偏嶺最饒秋色處橫山不出冷雲來未

須白鴈傳霜信已早

去

黃花帶雪開

中秋夜雪可盈尺北中菊花每歲必

期八月

相得玉灤河北畔有人獨上李陵臺

李陵臺者

在偏嶺東北百里李陵失利在無定河外意其好事者名其山為李陵臺也古有陵臺在唐單于都護府金河

界縣

近因北事和林親故離絕途次雲中先寄燕南一

二知己

棲遲徙倚賦登樓休想情懷似去秋着夜不來看鬢脚

豈知何事在心头莫驚歌鳳狂猶在見說屠龍老更羞

誰料一雙癡醉眼戰塵西北望神州

寄西平

鼠偷狗竊敢魚休爭信貔貅已締交將疊連珠調鵲角

擬追逐日試蒲梢序移玉律陰風急氣應金商太白高

惜別折衝樽俎地莫容南牧越臨洮

春寒代人寄

睡鴨香消寶篆殘，
松竹雨敲寒水空。
流去鴈將盡，
花未放來春已闌。
斜日多情送歸鳥，
碧雲無跡問飛鸞。
不應鳳女祠前月，
只許吹簫獨自看。

春日和林寄趙虎巖呂龍山

年年芳草怨王孫，
日日幽人獨倚門。
蹤跡飄零又寒食，
別離滋味奈黃昏。
一樓風雨欺歸夢，
萬里雲山動客魂。
欲寫相思寄雙鯉，
亂離春水雪消渾。

春日寄懷魏隱君邦彥

滿眼春風捲暮陰，
五噫歌罷更沉吟。
十年萬事沒孤鳥，
百念一時生寸心。
芳草不隨鶯燕老，
好山依舊水雲深。
遙憐野鶴高飛去，
夜夜投棲何處林。

登疊巘樓寄本菴粹中

江山不盡古今情，
空寫相思遍鳳城。
滿眼氛埃昏落日，
一天寒色淡長庚。
近日長庚星見吟魂豈為閒愁斷，
別夢徒因往事驚。
早晚重來風雨夜，
細傾肝膽話平生。

寄巖翁

遊子不來春草碧
忍聞啼鳥怨殘紅
河教忽與回青斷
山色還隨落日融
華屋烟霞簫管歇
鳳棲塵土酒杯空
多應雲鶴相將去
又在蓬丘第幾宮

時巖翁復
避事東遊

寄李徵君

豈當容易慕陶潛
莫枉明時振廢淹
薄宦情懷雖自減
竦人聲價為誰添
雷霆威重休輕忤
雨露恩饒可共霑
縱是世無顏叔子
更宜學避魯人嫌

寄國範昌齡

總道綢繆思好去教在斷無人跡
繼芳蹤情親便合稱
三鳳友愛何妨號二龍
莫為鬢絲抽思緒
不將學海淬辭鋒
綠波煙草灤陽渡
獨倚危樓到下春

寄尹仲明兼簡盧進之

別後相思撥未平
登高西望轉閑情
林邊殘日沒歸鳥
天際斷雲飄晚晴
久把功名為外物
擬將詩酒暢平生
自從身世相忘後
一作晚風吹萬事人間一唾輕

寄李道隱之和

竦謂馳殺牧九州覈玄元心事茂王侯風情張日排巢父
霜氣橫秋拉許由騰笑務光何足比獻嘲涓子不能儔
北山逋客幽棲地可是英靈許再遊余時自號北山逋客

寄隱者

投老嘗期謝草萊有人懷抱待君開叩玄元要給談天口
虛白原宜養鳳胎鳳尾諾雖徵不起鶴頭書合召將來
莫驚此會知何地認取金黃是舊臺太宗第五皇子嘗召隱居故有鳳尾諾之

或語諾是應之諾
或作識音志非

壬子秋日客舍紀事因寄家兄

判花歌鼓殷晴雷露葉風枝漾酒杯金水淨穿深巷陌
玉泉浮動遠樓臺可堪白鴈將秋去又著青雲入夢來
原上眷令何處所不聽遊子詠南陔

責友人不寄書

堆積離愁無奈何年來俗態可堪嗟人情個個薄如紙
世事紛紛亂似麻燕子不來書謾草鴈行飛盡眼昏花

而今試問風蓬跡海角天涯到處家

贈盧隱君

放情丘壑謝羣氛逸氣翛然自不羣捷徑豈容留隱士
駕鴻方可是徵君獨輪車輾巖邊月十角牛耕隴上雲
曾約華山分一半如何猶不許同分

山谷詩不知繡鞍
萬人立何如盧郎

駕飛鴻注云盧徵
君駕飛鴻歸隱也

贈酒鄉道隱李君之和

一自琳宮見錦囊幾回先藝玉蕤香醉鄉更比乾坤大

仙鏡原饒日月長五柳先生陶靖節四明狂客賀知章
無為未必無遺恨不列三千弟子行

春晚懷呂龍山

洞簫吹斷柳花風恨別蒼苔滿徑蹤幽夢已憑春領畧
凝愁唯藉酒彌縫千山落景沈殘角萬壑歸雲入暮鐘
近說鬢毛渾白盡可堪空憶舊音容

呈鵬南學士

妙齡特達冠羣英家世燈傳白與清氣壓西山正開爽

學尊東魯獨精誠
棠陰政簡琴心古
瓜熟歸來句眼明
他日宴堂香一瓣
潛通玉照兩忘情

復次趙虎巖元韻

道直如弦氣吐虹
幾人臭味與君同
西湖處士林和靖
一作東里先生呂本中
舉世是皆驚
多穀有人應更憚
乘驄阿誰狂
直今如此不是癡
仙即醉翁

和光祖詩韻一首

西風望斷碧雲深
萬里關河入俯臨
客思暗隨愁共遠

鬢冰疑是老相侵
霜鴻傍月傳佳信
寒雪漫天擁衲吟
十載因循歸未得
飄零蹤跡到如今

寄題一枝菴主人

消息盈虛莫費辭
德人何慮復何思
窮通不信無非命
貴賤由來定有時
方欲自專齊物論
未知誰任大宗師
擊搏九萬三千里
何異巢林在一枝

送張壽甫尚書出尹河南

滿路黃花照暮秋
旌旄綽約促行輶
名卿均逸膺宸算

雙溪圖隱集卷三
方牧分符聳士流翰苑文章饒雅趣伊川風物冠中州
明朝黃閣求元老却恐綸恩妨勝遊

燕市送客歸長安故居

黃金臺上望長安何處青山是故山虹斷橋梁分雨脚
露搖珠顆偃荷盤歸心暗逐飛鴻盡病眼空將倦鳥還
芳草不隨遊子去日斜煙澹倚闌干

送米君周還鎮陽

驅馳萬里赴龍庭今日還歸出帝京一夜雪寒添客恨

三秋風物動離情臨歧把酒君留別信筆題詩我送行
賤子一言君記取得無青眼顧書生

枕流亭

振濯塵纓奠枕流桃花源上玉溪頭春風來領長歡伯
和氣追陪獨醉侯童子只除害馬庖丁原不見金牛癡
仙事業依然拙甚識人間有棘猴

題枕流亭

竊期搗藻挾天庭閒作篇章抒下情殊喜濂溪愛蓮說

未甘桑苧著茶經
逍遙方外無為業
整頓人間不朽名
緣洗塵囂耳中事
舉家移住枕流亭

池亭用前韻

推窮理窟叩真庭
探索天心見物情
憶昨冥心捕蛇說
笑今凝思相牛經
未妨招隱教投跡
不信潛夫肯著名
愛煞清風與明月
肯隨人意到池亭

秋日避暑塵外亭

軟紅塵外水雲鄉
映隱雙溪避暑莊
雌霓入連蜷應計

雨雄風迴穴為輸
涼年光變弄蒲萄
色天氣經營菡萏
香只就北窓花柳
下豈妨高卧傲羲皇

泊白鰈江塵外亭高道士攜琴相訪

引迴柔櫓款亭臬
宛駐靈槎泛雪濤
塵外水沈薰菡萏
甕頭春綠漲蒲萄
紅螺山色秋尤健
白鰈江聲曉更豪
安得投簪招隱士
就攜寒玉從琴高

寒玉寶琴名見國史補樊家有琴亦

名寒玉

飲方湖菊洲塵外亭

雙溪西隱集卷三
三徑雖然已就荒菊洲猶在水中央不愁塵外仙無路
竊喜花前醉有香鄉倦鳥也知人去就狎鷗原識我行藏
浮遊種、真滋味更索教誰仔細嘗

題四娛齋

門掩壺春安樂窩紛、俗事奈人何須憑歡伯攻愁陣
自有桐絲伏鬼魔遣興色絲何擺落塵懷黃嬾解消磨
拍欄一笑遙山碧付與兒童學揣摩

雲滿蘭窓霧滿階恍疑身世在瑤臺琴餘細嚼陶潛句
書罷深傾李白杯流水淨拖飛練去好山晴與翠屏開
百年樂事能多少何必更歌歸去來
細細清風染綠槐絲絲疎雨洗黃梅山圍樓閣週遭碧
花繞欄干次第開日落青天見螢火雲歸滄海見蚊雷
知音不是王夫子誰為陶潛送酒來

縱遊壺天園

水搖晴影漾樓臺臺上花前載酒來楊柳不勝金縷瘦
海棠空自錦雲堆夢隨蜂蝶尋春去興入煙雲盡處回

雙溪齋隱集卷三
欲紀所思吟不得却誰先篆滿蒼苔

夜宴壺天園

門掩仙居不記重紫霞容與貯春風玉簫赴節徵雙鳳
蘭燭飄香擁六龍織女下時星自落姮娥來後月長空
始知不死瓊田草唯在壺中罨畫峯

春早郊園諸花猶盛醉歸憩槐蓋陰下

濕雨苗雖未發榮可無芳意慰坤靈草綠近水堤邊綠
柳繞新池岸上青花匠鬪供春制度麴生專與我調停

且傾翠蓋誰如故依舊槐陰滿後庭

題縉雲山五湖別業

為愛煙光可掛懷并供幽思上靈臺縉雲直拔空青起
落水橫吞野翠來欲界曲隨仙境變好花爭映畫屏開
終期盡把閒桃李就此名園勝地栽

陶宏景有言山林
奇處乃欲界之仙

也都

五湖別業新園

除却五湖煙月外只容春色入重關可憐東郭兔三窟

不見南山豹一斑獨醉軒昂花柳下無塵亭立水雲間
誰期造物輸元力更許清風恣往還

小隱園擬樂天

吏隱廳西小隱園小池塘在卧房前指垂楊柳為煙客
認白蓮花是水仙歌接柳枝翻折柳醉斟蓮葉倒垂蓮
不煩馳譽丹青筆勝醉仙圖是處傳

蘭畹見和鄙語無塵亭復用原韻

苔色連堦草滿庭且圖榮悅野人情任呼醉隱為書簾

要識書淫已醉經高卧莫疑將索價浮遊須不近沽名
祇消卷跡翳塵外寄傲空涼水上亭

春晴極寒登池樓書事

晴影深寒碧玉流鬱香蘭芷暗芳洲凍侵鶯舌散全滋
風戀花枝顫未休目斷野煙橫極浦心懸江月入高樓
應須買盡人間酒更不令寒畫一籌

和林春舍叙西園前宴招一二友生重飲

樓閣參差翳紫煙佳人情重惜留連月明楊柳春風夜

寒食梨花暮雨天將謂浮雲寄浮世豈知流水是流年
慇勤一作不醉花時酒強作守錢奴可憐

清明前一日月夜對酒招季淵飲

醉鄉吟社雨厭厭寒食清明事已兼春計政侵雲子酒
月華不隔水精簾幽蘭香結成凝陣寶篆烟空儘未添
連壁勝遊心賞在莫輕傾蓋一掀髯

憶雙溪

蘭州懷抱王溪分龍自深蟠草自茵樓觀幾經浮世換

河山依舊主人新鶯花有意長留我桃李無言自好春
想得多情怨遲暮不應終老馬牛塵

春日西園招雪庭

暖日浮雲漾綠波晝閒風靜好經過護花飛蝶來呈舞
戀柳啼鶯自獻歌妨物性疎輕物議惜春情重奈春何
流年不為朱顏息莫一作誰厭樽前語笑多

匏瓜亭二首

一壺天地備菟裘應結壺翁物外遊田仲儘當多屈轂

惠思何得應莊周豈容五石為無用好辦千金預為酬
瓠落縱甘成棄物世途元一作須更有中流
擬挹清風潁水濱坐忘顏陋謝鷺塵素知居士非田仲
只識幽人是卞彬儘辦仙家方外地徑輸花塢甕頭春
豈為無口辭供濟好處為樽與問津

縉雲五湖別業書事

縱恬高蹇徇真愚元也中心怯畏途共命不能同好惡
寄生那有異榮枯為營獨醉成三窟方引雙溪入五湖

就著鶴頭書背上已私宏景兩牛圖

余先居和林後寓
隗臺今卜築縉雲

五湖別業皆營園亭榜曰獨醉司空表聖有共命鳥賦
其序云西方有鳥名曰共命連腹異首而愛憎不同一
伺其寤得毒卉乃餌
之既而藥作俱斃

西園席上招雪庭裕上人

山光搖蕩入簾櫳酒漾歌雲暖玉融煙柳翠寒深院雨
露花香濕滿樓風自從愁陣持降節擬與詩兵紀戰功
借問飄零斷腸客為誰幽獨卧蓮宮

讌臺

雙溪醉隱集卷三
萬象森羅動翠華
謫仙名擅地仙家
忽疑羽化隨青鳥
空記高呼隔彩霞
休計霞盤承玉屑
枉徵雲液就丹砂
兩龍勝迹空流水
流盡臨風野薺花

蒼官臺

誰贊君侯締構功
盡收形勝壓天東
洪流下瞰朝宗遠
疊嶂橫陳保塞雄
鳳闕凝眸雲掩靄
雞林指掌樹異蒙
髯龍似識登臨意
時罷寒梢弄晚風

赤侍中釣臺

槎杙荆榛雜草萊
欲令無一點塵埃
行歌正則行吟澤
坐嘯狂奴坐釣臺
鳥道不衝天宇斷
鴈行橫過海門來
黃華已為西風瘦
更對凝霜鬢影開

獨醉亭

凜雪精神住福亭
放言須不逆時情
推移殿最修花史
分別賢愚著酒經
愛酒愛花俱有趣
獨醒獨醉兩一作

虛名祇知仰挹清風處
萬古心期是此亭

麗珍花品序
云花以優劣

為殿最醉鄉日月凡酒色如金而
醇苦者為賢黑色酸醜者為愚

書三樂軒壁

雖任無為定是非更須教勒北山移
筆驅造化天何補
身質聲名道不知見說丹心明似鏡
忍將青鬢照成絲
深根寧極如無待越世含華却是誰

醉書雙溪書院醉經堂壁

自從天隱自然庭愈覺翳塵噴鼻腥
可要洞研齊物論
唐子西號酒為齊物論更須深味洗心經
予號家釀為洗心經獨醒終了醒
如醉獨醉那辭醉不醒別有聖賢真趣在
古人糟粕是

螟蛉

宴玉律園

碧玉池塘翡翠堤露軒飛榭擁璇題
蝶迷芳徑有時見
鸚就綠陰深處啼不覺徑來穿月窟
可能須待躡雲梯
一壺春色長留在畫壽吟仙取醉泥

和林西園月臺懷呂龍山

日薰花氣暖徘徊花影橫斜入酒杯
不見海棠春睡足
可憐江燕晚歸來煙迷野色自芳草
水落石根空翠苔

誰勸沅鶯教且住有人凝絕在高臺

暮春登凌雲臺

水自長流鶯自啼雀來巢壁燕來飛紅銷歌殿夜棠瘦
綠暗粧臺春草肥今日不知明日事今人休笑昔人非
寥々千古登臨思分付東風與落暉

鳳凰山別業寄潤甫儒醫尤嫻於攝生

湫隘囂塵不可居鳳凰山豈厭潛夫無花不欲教為主
有草須堪更結廬元化唯珍五禽戲通明殊玩兩牛圖

莫驚獨醉居無事心醉鎔經與鑄書

春園

勝事分明日月多金蓮川上愛涼蝸珍珠柳裊垂珠樹

翡翠茵舒展翠莎虛白室常安樂土軟紅塵不到行窩

魏焦孝然目其草廬曰蝸牛廬愚以行帳為行窩尋亦號為蝸牛舍云索教粧點新春色

分剩山花四五窠金蓮川境有葢柳葉上皆有綠珠十數顆

獨醉園對飲

獨醉園中獨醉翁醒時還與醉時同祇因矯思原如矢

雙溪圖隱集卷三
竊自修身更似弓無可奈何依玉友有何不可任崖公
醉鄉縱裂封侯地且就擒姦莫論功

贈漁者

蜃樓鼇殿對柴扉旋挽新荷補舊衣短笛有時渾落調
曲鈎何計可忘機滄波萬頃淡煙合白鴈一聲黃葉稀
回想渭濱人去後夕陽空滿釣魚磯

贈仙音院樂籍侍兒

著名仙籍擅芳春料理霓裳紀見聞欵唾隨風落珠玉

笑談傾座播蘭薰龍酣醉笛吟秋水鳳咽歌樓過暮雲
喚起沈香亭上夢海棠花睡月紛紛

聽琴

恰弄歌珠引玉清梁間早已暗塵驚風流迴結行雲住
激水延緣漱霧生只道綿駒殊茹噎豈知王豹竟吞聲
若為更得形容盡曲折浮沉怨暮情

戲詠花鳥名

綠牕鶯喚起來時一作不分香名屬玉兒長壽樓中曾

鬪酒合歡帳裏更聯詩音生曉月鳴批頰晴侵秋波浴
畫眉蝶粉團香凝白雪背人含笑擁烏絲

呼盧爭戴勝籌時轉覺輕盈屬玉兒長壽樓空留鬪酒
合歡牀窄更聯詩從他有怨教批頰却自無言也畫眉
蝶粉團香凝白雪背人含笑飾胭脂

春懷

碎擘桃花泛酒卮對春還詠惜春詩鶯能承意歌楊柳
蝶解含情無柘枝世事儘他無定論醉懷却自有開時

歲寒亭下青松樹春去春來總不知

病起書事

性恬乖刺與麤疎誰說清狂痼疾除可要更須教失馬
時失羣馬祇應原也示懸車勝遊索辨煙霞屐緒業非攻種
樹書多幸老民殊有趣醉鄉日月是華胥

病中述懷

雨聲一夜到床頭一洗胸中萬斛愁世態低昂付蠻觸
宦途消息寄蜉蝣暑天卧病獨癡較少日勤行半素休

頻夢江湖豈無意此身相是沙鷗

即事

可入天氣不寒溫詩滿花箋酒滿樽亂列曉山煙淡碧
漫流春水雪消渾四時風月無佳客一榻琴書靜掩門
吟罷新詩須酌酒別離情緒已黃昏

馬上偶得

十年南北復西東萬里乾坤走斷蓬燕子不來春一作天
淡、鴈行空過雨濛、故園花柳依然好瀚海風光却

不同寂寞清明寒食節幾聲啼鳥怨東風

石梁

飛梁橫絕浪花中寒壓驪龍第幾宮却月暈光圍倒影
渴虹垂影跨長空凌波自接昇仙路煉石應勞併鬼工
好步青雲上天去未應人世限西東

飲鳳凰山醉仙洞有歌稼軒鄭國正應求死鼠葉
公原不好真龍瑞鷓鴣者曰為賦此

鳳凰山色媚芳塵不著詩仙寫不真靈境愛饒花氣味

老懷欣辨酒精神烟霞裏面長春洞天中問獨醉人
未讀離騷唯痛飲可憑誰說與靈均

閱舊藁有出六盤時干戈旁午驚塵日書劍零丁

去國時之句因足成之

點檢吟懷課所思再閱情是舊題詩干戈旁午驚塵日
書劍零丁去國時陳事上心空擾攘當杯入手莫推辭
春風信染千紅紫合染幽人兩鬢絲

桃花源別業重理舊藁戲題

無憂樹下無懷氏獨醉園中獨醉仙八斗待量珠玉價
等閒不若一囊錢辭鋒幾挫毛元銳心印都傳楮守玄
未礙劉郎長占斷桃花流水洞中天

自題擬樂天

有客笑談如妙玄笑愚叢跡不虛傳風花煙月三千詠
拙直膏肓二十年翫世遨頭狂醉飲采真稱首浪遊仙
不知樂聖軒窓下解到南華第幾篇

庚申歲夏因六盤之變嘗與巴特瑪其名者質諸

天日約分二道邀擊西師頃聞其人為敵謀將遂
賦此為食言者之戒

定交情分一何深許論傳烽過燭陰燭陰即約雪神羞
同脫口誓清天步共銘心我平高闕旋龍勒君取花門
出鳳林須是有盟如皦日豈宜相與世浮沉

獵北平射虎

飛控遺風獵北平澹陰平野草青
南山白額威何振東海黃公厭不行
徑捷鳴鶻延滿月奄驚繫弱激流星

由來一片爛斑錦別在神幾霹靂聲

閬州海棠溪擬樂天

閬苑仙從閬苑西縱遊還過海棠溪
徑隨翠碧穿花去却聽鶯黃繞樹啼
迴玉花驄鏘玉勒約金絲柳上金堤
五城勝概歌詩草醉墨淋漓盡赫蹏

臨潼九龍玉蓮二湯今為道院

九龍湯湧玉蓮香龍去蓮枯墮渺茫
夢雨已迷三里霧悲風空泛五雲漿
長生殿圮金沙冷王母祠傾玉葉荒

終古曲江江上月恨和煙怨霓裳

遊奉聖州龍巖寺

卧龍高卧幾黃昏依約靈巖隱卧痕雲磴屈蟠侵鳥道

翠屏環合掩山門淨名花界開中葉其方丈茶榜與聖

蓮宮庇上尊龍巖寺本不就卜居殊勝地忍衝煙靄下

孤村子時客宿趙家堡北村

次韻舟行次蓬州遊歷州境憇蓬萊堂

共傳靈境可攄懷指示龍章與鳳臺白鼻騮騰橫吹去

黃頭郎遞棹歌來青山綠水紆迴處萬紫千紅次第開
非獨醉仙無定所素知原只在蓬萊

岳臺懷古

萬古神州就一作竟陸沈戰塵猶自結閉陰日邊簫鼓衣

冠盡天外樓臺草木深江月和愁傳桂燭野棠無語寄

春心如何黃鳥年，在不說東風怨上林

三月到旺結河有感

揚柳盈堤凍未蘇年，往結舊程途經春積雪隨山在

雙溪醉隱集卷三
慰眼幽花到處無
簾外月明人影寂
枕邊燈暗鴈聲孤
又還虛度清明節
猶倚東風酒一壺

中統庚申詣闕寓居宮東寺口號

日華浮動卧龍邱
便覺妖氛散不收
佳氣鬱葱形勝地
霏烟紛郁帝王州
碧蓮花擁三千界
白玉城駢十二樓
可要翠灤環寶勢
不容滄海更橫流

鄂諾道中

自西宮發程至鄂諾河山重水複風雨相繼日

復一日偶失羊馬所在因記其事而賦云

歲月崢嶸老思荒
句中無畫寫荒涼
山、水、三千里
雨、風、一萬場
致福不應湏失馬
耽書堪笑竟亡羊
百百留得芳葵在
傾盡丹心捧太陽

遊大翻山

路盤空翠上青天
下望皇州一點煙
雲葉去堆人脚底
日華垂在馬頭前
露花烟草芬蘭麝
百籟羣鳴播管絃
可笑舊遊王次仲
不來尋謁酒中仙

山海經云其山在居庸北登陟其巔之上

下視燕都城郭郊原
烟靄間如圍畦堤塍

雙溪醉隱集卷三



